

نسخه سی ۱۰ غروشد

صاحبی، مدیری محری :



اسلامك نفعنه خادم مقالات
مع الت شكر قبول ونشراولونور
يازانك شخصيتي دكل، يازينك اهميتي
نظردقته آلتير .
كلن يازيلردن شايان قبول كورولنلر:
تاريخ ميراسيله : دج ايديلير .

محفصل

۱۳۴۸

علمي، ادبي، اجتماعي وشميريلك

شهری مجموعہ در

۱۳۴۱ صفره مخصوص نسخه

عدد : ۲۸

اداره خانه سی : آق سرايده
ملا كوراني محله سنده مهتر
سوقا غنده ۳ نومرولو خانه

مرکز توزیعی :
باب عالی جاده سنده (اتحاد
تجارت) كتبخانه سی

آبونه بدلی :
سنه لکی ۱۲۰ غروش
آلتی آلتی ۶۰
اوج آلتی ۳۰

جلد : ۳

مذمرجات :

محفصل دینی و علمی : احتجاب و تستر شرعی — اسكيبلي عاطف اندی . سما — احمد نعيم بك . توركك ابدی
محفصل ادبی : طفر تاريخلری — سعود بك ، شيخ رمزی افندی ، اجسان محوی بك ، طاهر المولوی .
ابوالفتح البستی نك برقصیده سی و منظوم ترجمه سی — دیاربكرلی سعيد پاشا . غزل — محمد صادق
افندی . خولیا كونلری — عبدالباقی عزیز افندی . ایکی رباعی — طاهر المولوی .
محفصل تاریخی : ام عماره — طاهر المولوی . عثمان شمس افندی — حسین و صاف . بر ضیاع عظیم —
سعود المولوی بك . داود پاشا قیشله سی او كنده اوق آتیشی — طاهر المولوی .

عثمان شمس افندی مضر تری

۱۲۲۹ سنه هجریه سی ربیع الآخرینک برنجی
چهارشنبه کیجه می ریاض امکانه زینت ویرمشد.
مسقطرأسلری استانبولده باب عالی جوارنده خواجه
پاشا محله سیدر. پدر مکرملری مالیه نظارتی اسهام
قلمی سرآمدانیدن و معمیرینیدن و خواجگان
نقشبندی (خواجه امین افندی) دیه مشهور
سید محمد افندی اولوب (قوش آطه لی ابراهیم افندی)
حضر تیرندن ده اخذ فیض ایدرک اختیار ازوا ایله
۱۸ ذی الحجه ۱۲۷۷ ده سکسان اوچ یاشمنده
ارتحال ایملکه اسکدارده قره جه احمدده مقبره
مخصوصه سنده مدفون (۱) والده لری شریفه فاطمه
خانم ایسه ۱۲۹۱ ده ارتحال ایملکه زوجنک قبرینه
مقروندر (۲)

عثمان شمس افندی تحصیل ابتدائیدن صکره
علی روایه خواجه پاشاده توتون تجارتیله اشتغال
و بوئانده وقتنی بوش کچیرمیوب کالات علمیه بی ده
استحصال ایتشد.

بدایه رجال نقشبندن اسماعیل افندی به اقتساب
ایتمش و بیک ایکی یوز اللی بش تاریخنه قدر سیر
وسلوک ایله کامیاب اولمشد. شیخنک ارتحالنده کبار
مشایخ شعبانیه دن مشارالیه ابراهیم افندی حضر تیرینه
عرض نسبتله اکال مراتب سلوک ایلدیلر. ۱۲۶۴ ده
عزیزینک عالم جماله انتقاله مبنی:

ساقیا باشک ایچون جام لبک صون شمسه کیم (۱)
ویردیکک شول باده آتش نشار الویرمدی

(۱) کلدی نه طاق فلکدن فوتنه تاریخ شمس

منهای سعده اولدی منزل روح الامین

(۲) ایندی نه طاق فلکدن فوتنه تاریخ شمس

شوق ایله الله دیو کوچدی شریفه فاطمه

(۱) شعرده (شمس) تخلص بیورملرینک حکمتی

بیان وادیننده سویلرلر :

پرتو ذاتندن ای شمس ابتدیکمچون اقتباس

یادکار آلام بواسمی شمس تبریزدن

دیه اظهار خواهشله بحر کالاته دالمق ایستیه رک
بوصرمده (شیخ عبدالرحیم اونیه وی) حضر تیرینه
واصل اولمشد. بوذات محترم آفسرایده قره محمد
پاشا جامی حظیره سنده مدفون و رحمت حق
مقروندر. پک مبارک برذات طایقدر اولوب حضرت
عمر اقدمزک سلاله سیندندر .

دیدیلر ای شمس تاریخن چیقوب اثنا عشر
ایتدی سیر لامکان عبدالرحیم اونیه وی
ارتحال تاریخیدر. طریق قادری به منسوب اولوب مرشد
مکرملری (شیخ حاجی حسن شروانی) در که شیخ
مشتاق قادرینک ده شیخیدر . انک ده شیخی (عبد
الجلیل بتلیسی) اولوب ایوبده خاتونیه جامع شریفی
حظیره سنده مدفوندر .

راعی ناسه نقلی تاریخن دیدم
کیتدی قطب العارفین عبدالجلیل

۱۱۶۰

عثمان شمس حضر تیرینک قلب پاکی مصدر
حقایق اولدیفندن تأثیر عشق و کمال ایله
سالکان مسلک سلطان باز اشهر
مظهر توحید اسرارزه اوینی مشربز (۲)
مقتضم باللهز آنجق خانقاه دهرده
مست کلجام می عشقزه ملا می مشربز

یولنده اظهار آثار فخره باشلامشد . شیخ
عبدالرحیم حضر تیرینک کالاتنه تماماً وارث اوله ورق
بیک اوچیوز تاریخنه قدر اسکدارده خانه لرنده
وبعضاً بروسه ده ارشاد عباد ایله مشغول اولدیلر
و کالاً کوندن کونه یوکسلدیلر.

(۲) کوکاده بولهم اسراری

اویسی بی اویسی بی اویسی

دیه مساک اویسی صاحبی اوله قلمی بیان بیوررلر . بو
نظقلری ده سائر انطاق علیه لری کبی بسته لشمش والسنه
پیرای ذا کران بولنمشد.

عظیم برضیاع

فسبحان الحی القيوم .. بیک اوچ یوز قرق
برنجی سال هجری ده جهان فضیلت ایچون برحادثه
الیمه ایله ابتدا ابتدی، اسلام عالم علم وکالی بررکن
رکیندن دها محروم اولدی . یعنی بقیه السلف
اخیر امتدن علامه بی مدانی ، ابوالسعود ثانی
حافظ قرآن مین ، پیرو اصحاب و تابعین استانبوللی
السید الحاج محمد اسعد افندی حضرتلری رحمت
رحمانه انتقال ایلدی .

خواجه اسعد افندی ارتحال ابتدی دیمک
ملکتمزده - تعیر قدیم وجهله - اصول وقانون
اوزره تحصیل و تکمیل علوم ایتیش ؛ سنه لرحه
اوقومش ، سنه لرحه اوقومش ، دیار دیار تعیم
و تعلیم و فضائل ایلش ذوات عالیه و معدوده دن برینی
دها غائب ایتدک دیمکدرکه بو خبر الیمک معناسنی
اسلام و علومک نه دیمک اولدیغنی آز چوق بیلنلر
آ کلارلر . « موت العالم کتوت العالم » حقیقتی
ملکمزک محروسه صرفان اولدیغنی زمانلرده بلااستثنا
همان هرکس طرفندن تصدیق اولنورایدی . حیفاکه
بوکون مسئله بشقه شکله در . « مدرسه تهذیبی »
تعیریله علوم و علمای اسلامی بی عقللرنجه تزییفه
یلتن وادراک و عرفانلری بش اون سطر غزته
اوقویه بیلیمکدن یوقاری حقیقه میان یکی اوقور
یازارلرمن « علامه » کله سنک معناسنی آکلایه مازلرکه
برعلامه نک ارتحال الی علم و فضیلت عالمجه فصل
مؤثر اوله بیله جکینی فرق و تمیز ایدم بیلسونلر .
مع مافیه بزم اوکی آکلایه مازلر ایله حساب
و علاقه من اولدیغندن حسب حال عاجزانه من بالطبع
اصحاب فهم وادراک ایله در .

استاد معظم محمد اسعد افندی مرحوم استانبولده
تولد ایتیش ، ابتدا پدری علماء مشهوره دن حاجی

برآره لق ضربخانه عامره آرایجی باشیلفنده
بولندقلری کریمه لرینک مزار طاشنده کی کتابة دن
معلوم اولدیغنی کبی صدر اسبق عالی پاشا مرحومله
دیوان هایون قلمنده بولندقلرینی و بر آره لق
بدستانده خواجکیک ایتدکلرینی بکلکجی دیوان
هایون ابن الامین محمود کمال بک افندی بیان بیور .
مشلردر . میرمشارالیه طرفندن عارف حکمت بک
مرحوم حقنده نشر اولتان (کال الحکمة) نام اثرده
شوسطرلری اوقودم :

« ۱۲۷۷ سنه سی اواخرنده طرف حکمت
بکک لاله لیده چقور چشمه ده مقیم اولدیغنی خانه ده
برانجمن شعرا تشکیل اولنش ایدی . انجمن هر
صالی کونی انعقاد ایدردی . شیخ عثمان شمس
افندی ، نامق کال بک ، ضیا پاشا ، کاظم پاشا ، لیب
افندی کبی افخم ادبا و سائر ارباب سخن انجمنه
دوام ایدرلردی . بوانجمن ؛ عربک سوق عکاظنه
مشابه ایدی . اعضا نک برهفته ده تنظیم ایلدکلری
نقائس اشعاری حین اجتماعده نامق کال بک
اوقوردی . انجمن برسنه منتظماً دوام ایتیش ایدی . »
عثمان شمس افدینک :

هوای حسنک ایله تاجانه دک کیدرز
حکمت بکک :

حدیقه خط مشکین یاره دک کیدرز
عثمان شمس افدینک :

واری برصرمست عشقک چشم کریانم کبی
حکمت بکک :

یوقی برآرامی عشقک چشم کریانم کبی
سانجه لری ، اوزمانک محصولی اشعار مشترکه دندر .

مابعدی وار

مسین و صاف